



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 131. Pacis initæ edictum in Regno promulgatum.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

Sæc. XVII. nimentum esset, destrui recusabat; cum
 A. C. 1616. vero Condæus, eique adhærentes hoc
 articulo unice Ancræum opprimere in-
 tendissent, ipsemet Ancræus hanc ar-
 cem simul, & Picardiæ Præfecturam
 Regi cessit.

§. CXXXI.

*Pacis initæ edictum in Regno pro-
mulgatum.*

*Merc. Gal-
lob. tom. II.
l. 2.*

Paulopost Regis nomine promulgatum
 est pacis edictum, quod utpote
 communi Regis, Reginæque Matris,
 ac ceterorum Principum, & Nobilium
 consilio sancitum, etiam constans, nun-
 quam revocari posset. „Ejus summa
 „hæc est: I. omnium a prima Julii su-
 „perioris anni gestorum sit oblivio, II.
 „Catholica religio in illis locis, ubi ab-
 „rogata est, restituatur, “ III. Ca-
 tholici omnibus in locis securi habitent,
 & amissa recuperent, IV. Episcopi &
 Doctores in Ecclesiis decretum Concilii
 Constantiensis urgeant. V. Decretum
 Parisini Senatus effectum suum fortia-
 tur. VI. Extranei ab Imperii officiis
 arceantur: VII. in locum Petri Ber-
 geri, qui ad Catholicam fidem reversus
 est, alius in Parlamento ex Calvinistis
 ubrogetur, VIII. his usus suæ sectæ
 liber sit in illis locis, ubi his turbis fuit
 ad.

ademptus. IX. Condæus, eique ad- Sæc. XVII.
 hærentes in gratiam Regis recipiantur, A. C. 1616.
 ab omnibus tamen fœderibus occultis
 abstineant, ni seditionem capite luere
 velint: denique X. Utrunque captivi
 dimittantur.

Præter hæc capita, alia quædam a
 Regiis Deputatis ad Principes Condæo
 adhærentes, & tum Julioduni congre-
 gatos transmissa postmodum a Rege rata
 habebantur, quorum potissima hæc sunt,
 I. Romano - Catholica Ecclesia privile-
 giis & immunitatibus suis more veteri
 passim in regno fruatur: II. sine aucto-
 ritate & consensu Regis circa Concilii
 Tridentini introductionem, quæ ab Ec-
 clesiasticis quidem tentata, sed a Rege
 nondum approbata, nec in effectum
 etiamnum perducta fuit, nihil statua-
 tur. III. Articulus edicti Nannetensis
 vigesimus septimus de Calvinistis ad
 omnia officia & dignitates admittendis
 fervetur. IV. Catholici tam Ecclesia-
 stici, quam sæculares in Milso oppido
 habitantes, sub Reformatorum, quibus
 eos Rex diligenter commendatos velit,
 tutela & protectione vivant: V. Refor-
 mati sub Catholicorum tutela quiete
 vivant, & Religionis suæ usu libere
 fruantur: VI. Condæo & aliis ipsi unitis
 Principibus tam catholicis, quam re-
 formatis quindecim centena millia li-

Sæc. XVII. A. C. 1616. brarum, ut, & militibus, quæ debentur stipendia, & quæ in bello hoc contracta sunt, debita alia exsolvere inde possint, a Rege suppeditentur. Decreta sunt hæc, & a Rege, Reginaque Matre confirmata die sexta Maij, qua die pax hæc Lutetiæ Parisiorum promulgata fuit, lecto in plateis mandato Regio.

Decimo post die Rex cum Coniuge sua Parisios advenit, ingenti pompa, populique lætitia exceptus: demum vero Condæo, ceterisque tam Catholicis, quam Reformatis quindecim centena millia librarum Rex, uti caverat, suppeditabat, ut Germani milites dimitti, atque ad fines Germaniæ secure deduci, ceterisque militibus stipendia, contractaque debita persolvi possent.

§. CXXXII.

*Condæus Princeps Parisios reversus.**Serran.**Franc. Hist.**pag. 935.**Calmet hist.**Univ. l. 151.**Gramond.**Hist. Gall.**lib. 2.*

Firmata utrinque pace Principes ad aulam rediere, & primi quidem Mayenius, & Bullionius Duces, quos Rohanius Dux, Rosnius Marchio, & Comes Candalius sequebantur, Parisios reversi sunt, Condæus vero literis Regiis iterato vocatus, Rupefortium ablegabat, qui valetudinis curandæ obtentu absentiam excusaturus, simul Regi

expo-